

տուրայի շնորհիվ նրանք փրկվեցին մահ-
վան սպառնալիքից:

Նվաճված դեռևս արտասահմանյան շատ
երկրներում, առանձնապես Թյուրքիայում,
Հունաստանում, Իրանում հայերը զուրկ
են տարրական ազատությունից, քաղաքա-
կան ու քաղաքացիական տարրական իրա-
ւունքներից, հաճախ հետապնդման ու հա-
լածանքի ենթարկվելով ռեակցիոներների և
սեղանական իշխանությունների կողմից:

Այս է մեր արտասահմանյան եղբայրնե-
րի վիճակը:

Միայն Հոկտեմբերյան Մեծ ռեզոլուցիայի
հաղթանակը և Հայաստանում սովետական
իշխանության հաստատումը արտասահ-
մանյան հայերի սրտերում ռեալ հույս
ներշնչեցին հայրենիք վերադառնալու մա-
սին: Հազար անգամ իրավացի էր ընկեր
Ստալինը, երբ դեռևս 1918 թվի հունվա-
րին գրում էր, որ «այժմ ամենքի համար
դարձ է, որ Ռուսաստանի ժողովուրդների,
հատկապես հայ ժողովրդի բախտը սերտո-
րեն կապված է Հոկտեմբերյան ռեզոլուցիա-
յի բախտի հետ»:

Սովետական իշխանության շնորհիվ, ռուս
մեծ ժողովրդի եղբայրական օգնության
շնորհիվ, ՀամԿ(Բ)Պ Կենտկոմի, Սովետա-
կան Կառավարության և անձամբ ընկեր
Ստալինի ամենօրյա հոգատարության շնոր-
հիվ հայ ժողովուրդը, Հայաստանի կոմու-
նիստական (բոլշևիկների) պարտիայի ղե-
կավարությամբ իր հայրենիքը՝ Սովետական
Հայաստանը դարձրեց ծաղկուն երկիր,
պարզացած արդյունաբերություն, առաջա-
վոր գյուղատնտեսություն և ծաղկող կուլ-
տուրա, գիտություն ու արվեստ ունեցող
երկիր:

Հենց դրա շնորհիվ Սովետական Հայաս-

տանը այժմ հնարավորություն ունի ընդու-
նելու և աշխատանք տալու տասնյակ հա-
ղարավոր բազմաշարժար զավակներին:

Այսօր մենք հրապարակում ենք Հայկա-
կան ՍՍՌ Ժողկոմսովետի որոշումը ներ-
դաշնող հայերի ընդունման և տեղավոր-
ման կոմիտե կազմակերպելու մասին:

Ճիշտ է, Սովետական Հայաստանը հաս-
կանալի պատճառներով, այժմ կարող է ըս-
տենել օտարության մեջ ապրող իր զա-
վակների և դուստրերի մի մասը միայն:
Բայց ա՛յն անսահման խանդավառությու-
ն և ուրախությու-
նը, որով մեր ռեսպուբլիկա-
յի աշխատավորները ընդունեցին ՍՍՌ
Միության Ժողկոմսովետի որոշումը, ցույց
է տալիս, որ նրանք պատրաստ են գրկա-
րաց ընդունելու իրենց արյունակից եղ-
բայրներին և քույրերին:

Մեր ռեսպուբլիկայի պարտիային, սո-
վետական և հասարակական կազմակեր-
պությունների առաջ, ամբողջ աշխատավո-
րության առաջ կանգնած է պատասխանա-
տու, ոչ հեշտ, բայց շնորհակալ փնդիր
բարձր կազմակերպվածությամբ սախա-
պատրաստվել և իրագործել քաղաքական
հսկայական կարևորություն ունեցող՝ Սո-
վետական Կառավարության որոշումը:

Մեր ռեսպուբլիկայի յուրաքանչյուր աշ-
խատավոր, յուրաքանչյուր հայրենասեր
պետք է բազմակողմանի օգնություն ցույց
տա հայրենիք վերադարձող մեր հայրենա-
կիցներին ընդունելու և տեղավորելու գոր-
ծին:

Բարի գալուստ իրենց ազատ, երջանիկ
սոցիալիստական հայրենիք վերադարձող
մեր հարազատ եղբայրներին:

(«Սովետ. Հայ.» դեկտ., № 264, 1945 թ.)

ՀԱՅ ԺՈՂՈՎՈՐԴԷ ՈՂՋՈՒՆՈՒՄ Ե ՊԵՏՄԱԿԱՆ ՈՐՈՇՈՒՄԸ

ՍՍՌՄ Ժողկոմսովետի պատմական որո-
շումը արտասահմանի հայերի Սովետական
Հայաստան վերադառնալու կապակցու-
թյամբ ձեռնարկվող միջոցառումների մա-
սին Հայաստանի աշխատավորներն ընդու-
նեցին մեծ գոհունակությամբ ու խանդա-
վառությամբ: Հայաստանի մայրաքաղա-
քում, Լենինականում, Կիրովականում և
այլ քաղաքների ու շրջանների ձեռնարկու-
թյուններում, հիմնարկություններում, կուլ-
խոգներում աշխատավորներն իրենց ջերմ
ելույթներում ողջունում են Ժողկոմսովետի

որոշումը և իրենց երախտագիտություն
ու գոհունակությունն արտահայտում Սո-
վետական կառավարությանը, հայ ժողո-
վրդի ազատարար մեծ Ստալինին:

Ստորև գետեղում ենք աշխատավորու-
թյան ելույթները, որ քաղում ենք «Սով-
Հայաստան» թերթից (դեկ. 4, 1945 թ.):

Երևանի Չերժինսկու անվան Ղազգահա-
գործիքաշինական գործարանի տեխնոլոգ
Հ. Դիլանյանը ասաց.

— Սովետական կառավարության պատ-
մական որոշումը անսահման ուրախու-

թյամբ է լցրել մեր սրտերը, Հայրենիքից զրկված մեր բազմաշարժար եղբայրներն ու բույրերը մայր Հայրենիք, Մովսեսական Հայաստան վերադառնալու հնարավորութիւն ստացան: Մենք գրկաբաց կընդունենք նրանց և ձեռք ձեռքի տված կշարունակենք մեր հոյակապ կյանքի կառուցման աշխատանքները:

Յրեզերագործ ընկ. Գ. Դայանը իր ելույթում ասաց.

— Կատարվեց օտար երկրներում կարիքի ու թշվառութեան մեջ դեզերոյ մեր հայ եղբայրների բաղձանքը՝ վերադառնալ իրենց Հայրենիքը՝ Սովետական Հայաստան, որտեղ նրանք լայն հնարավորութիւններ կունենան ապրելու մեզ նման ուրախ և երջանիկ, խաղաղ ստեղծագործական կյանքով:

Մեխանիկական ցեխի պետ Ռ. Շախմալյանը խոսում է արտասահմանում ապրած իր ծանր կյանքի մասին: Դալով Սովետական Հայաստան, նրա համար բացվեց աշխատանքի լայն ապարեղ և այժմ նա ապրում է ունեւոր, հանգիստ և ապահով կյանքով: Նա ջերմորեն ողջունում է սովետական կառավարութեան որոշումը և շնորհակալութիւն է հայտնում մեծ Ստալինին արտասահմանում ապրող հայերի Հայրենիք վերադառնալու ցանկութեանն րնդառաջելու համար:

— Անշափ ուրախ եմ սովետական կառավարութեան այս որոշման համար, ասում է խառատ Գ. Դուլյանը: Իմ շատ բարեկամներ այժմ գտնվում են արտասահմանում, նրանք միշտ երազել են վերադառնալ իրենց իսկական Հայրենիքը: Միայն սովետական իշխանութեան պայմաններում իրականացավ հայրենազուրկ եղբայրներիս իղձը: Վերադառնալով Սովետական Հայաստան, նրանք մեզ հետ կկազմեն մի միասնական կոլեկտիվ և կապրեն արջանիկ կյանքով: Սովետական կառավարութեանը

հող է տանում նրանց վերադարձի և բնակարանային պայմանների մասին: Մենք մեր անհուն փրախտագիտութիւնն ու շնորհակալութիւնն ենք հայտնում սովետական կառավարութեանը և նրա ղեկավար մեծ Ստալինին հայ ժողովրդի նկատմամբ ցուցաբերած ջերմ հոգատարութեան համար:

Երեանի Մետաքսի գործարանի՝ Ֆրանսիայից ներգաղթած ստախանովական բանվորուհի բրիգադիր Նվարդ Քլյանը ասաց.

— Անսահման է ուրախութիւնս: Ժողկոմսովետի այս պատմական որոշումը մեծ հնարավորութիւն է տալիս արտասահմանում գտնվող մեր տարագիր հայրենակիցներին վերադառնալու իրենց Հայրենիքը: Ինձ ծանոթ է Հայրենիքի կարոտը: Ես չեմ կարող մոռանալ մեր կառավարութեան ինձ ցույց տված հոգատար վերաբերմունքը, երբ ես եկա Հայաստան: Այժմ ես ապրում եմ երջանիկ և ուրախ կյանքով: Սովետական արևի տակ ստալինյան ոգով դաստիարակվում են իմ երեխաները: Նրանք իրենց երջանիկ կյանքի համար պարտական են մեծ Ստալինին:

Այնուհետև ելույթ ունեցավ 1929 թվին Հունաստանից ներգաղթած, ստախանովական բանվորուհի Ս. Ափամյանը:

— Խոսք չեմ գտնում արտասահմանում ուրախութիւնը. հիշում եմ, ինչ ինչպես ինձ քաշում էր Հայրենիքիս կարոտն ու սերը, իմ իղձը կատարվեց 29 թվին, երբ ես եկա Հայաստան: Ինձ համար բացվեց նոր, երջանիկ կյանքի մի ուղի, այսօր ես ողջունում եմ հայրենակիցներին և սպասում նրանց տեսակցութեանը:

Մեկը մյուսի ետևից ելույթներով հանդես եկան ներգաղթած ստախանովական վարպետ Ն. Շնորհյանը, ստախանովական բանվորուհի Ն. Վարդանյանը և շատ ուրիշները: Նրանք բոլորն էլ ողջունում էին սովետական կառավարութեան պատմական որոշումը:

